

重修當塗縣志序



周官外史掌四方之志近世郡邑之有志猶史也其與史異者史記美
記惡並垂勸戒志專於記美體例微別然使自愛者知所慕不肖
者反觀而內愧以勸為戒用意則同至山川之險易疆域之廣狹土
田物產之肥磽豐歉風俗人物之漓漓盛衰暨官斯境者之政治得失
胥一覽而瞭如指掌所以俾輔軒之採成大一統之書胡可蔑視當塗
為太平首邑在六朝及明初稱近畿要地大江亘其西丹陽石臼諸湖
環其左自北而南若橫望青山采石天門峯巒遙接蜿蜒秀拔以故名人
碩士踵生其間昔夫子不云文獻乎有獻而文不足亦卒歸于漫漶磨
滅而無所考証乃當邑之志自康熙乙亥前邑令祝君脩校而後越十

當塗縣志

朱序

年前邑令成君雖於人物藝文頗加增益餘皆如舊本未可言脩則由
今溯祝君時蓋五十有五年矣一切制度文物實散佚論舛是懼方今
聖天子脩明典禮蒐討缺遺而宇內風土民情無時不履

睿慮欲周知遐矚顧使數十年來之志乘闕如其何以承
清問歲己己幸哉 制憲黃大中丞秉鉞兩江振舉廢墜徵飭各府
州咸續脩郡邑志所以敬體

宸衷加忠士庶意至厚也 撫憲衛大中丞並博稽遠近掌故余既
奉檄亟下所屬三縣然而或以為難年遠迹湮網羅弗恪則詳核難
也鋪張過實勸懲無當則謹嚴難也而詞之工拙次焉適錢塘張君
署當篆毅然力行之諏於邑中之紳士違可任事者告於余設局脩

未幾新令文安紀君接理其務不數月調桃源張君仍視篆偕任事者日講求釐訂迺觀厥成而剞劂未竟間有一二卷亦尚在校定調令陳留石君復督竣焉余覽其書於前志之訛者正之蕪者芟之當增入並改定者無舛無遺無矯誣無偏徇義明而詞達洵有以信今茲示來者而仰答憲府惓惓之至意謂之誌可也謂猶之史亦可也張君才識敏練且曩時在蜀督修省志素有成竹當塗學博萬君邑孝廉徐君等贊襄編輯一持之以正校訂諸孝廉而外監修為邑紳吳君而晨夕在局始終董事則唐生實任其勞然則事宜有難特行之力與不力耳余喜首邑之克藉手而尤願蕪繁兩邑之勿以為難而相繼連圖之庶得集腋而成府志是為序告

當塗縣志

朱序

二

乾隆十五年歲次壬申章敦牂秋九月中憲大夫知太平府事平江朱肇基撰



重修當塗縣志序

太平古丹陽郡路金陵上游而當塗為首邑襟江帶湖羣山拱峙六朝之所經營明祖由斯肇造名賢旣駕則謝李之風韻曠世流馨傑士挺生則陶王之忠勲並時佐命湖彼曩徽蔚乎盛矣不有志乘曷以使來者遠覽旁稽流連景慕况恭逢

代重熙累洽百有餘年濊澤漬於八埏文教軼乎千古塗雖一縣幅員差廣茅簷食薄賦蠲租之德泮林荷作人養士之沐決髓淪肌孰不懷仁編氓匹婦悉多砥節向非亟網羅聞見廣為記述以彰我朝邗隆之治微特山川減色抑亦更是王者之咎也而江南郡邑志率歲久未修奉

當塗縣志

石序

一

憲檄纂輯太平所屬唯當邑首奉命余以庚午仲秋自桃源來視事則志已垂成竊幸先我者任其勞而余獲承其後因為蒐補其未竟并趣剗刪者速竣工焉計是志之修始於錢塘張君繼以文安紀君而張君復成之而余適終之更數人而意指不異譬梓材文繡統歸於完隆已爾且夫志所為重在前有模範後有矜式不徒標巖谷之勝後產殖之繁紀沿革損益之制益天文地理禮樂刑法食貨水利各志一端國史中之志也而兼史之記表傳贊之義以為志郡邑之志也信今傳後於是乎在斯志體例嚴以該文詞質而當於人心世道洵有裨益用以揚

化而報

憲命庶不至取廢乎若在昔修志之本未及今茲珥筆者之姓氏則郡

憲興錢塘張君既言之矣余不復云

音

乾隆十五年歲次庚午季秋知當塗縣事陳留石欽承撰



重修當塗縣志序

今

上御極之十五載德茂孕乎百祀濺澤流乎八垓更擬來歲載賡時邁詠
南巡蓋將彷彿乎虞書周官之典攷川原之險易驗民俗之貞淫察風
土之奢儉整齊而轉易之俾治者益治而安者益安也然而輿圖曠阻
未暇遍臨一切都會郡邑其間賦役丁男山川土物今昔變遷之故
度惟於志焉稽之

制軍黃大中丞夙體

天子求莫之意節鉞大江南北計欲旁燭周知上達

聖聰而下酬民望迺遂徵求文獻蒐討志乘檄令各屬殘廢者修

當塗縣志

張序

一

缺畧者補

撫憲衛大中丞莅政復於斯加意而余自去年攝篆長邑後委署當
邑適接郡所轉行

憲檄遂集紳士而議修斯志焉夫當邑在江右湖橫望采石之峰巒屹
聳翠齊謝唐李千古風流所以表靈傑之勝者由來富矣夷考邑志
之修昉於康熙乙亥邑令東年之手距今五十餘載差不若壽春安
吳亥豕魯魚貽嘆

憲示然此數十年來士膺不次之選農食屢蠲之福興夫忠孝貞烈
挺地靈之間氣踵前達之芳規者遂聽其銷沈滅沒百年之後漠然
徒見山高而水清抑亦當事之羞也余既承

今慎選文品素優孝廉徐君輩職司纂輯復延學博萬君主持筆削而人物孝義節烈余尤加慎重嚴為考核一歸於大公而至正然後是邑之規制情形瞭如指掌而旌諸善以鼓舞德亦確有微而顯志而晦之遺稱獨計余去秋奉檄倡捐修刻嗣文安紀君承視邑事余幾意不克目覩厥成矣今年六月紀君有桃源之調而余復署茲土得與二三紳士秉筆師儒竭蹶贊襄而親觀是編之告竣何其幸也書成凡類二十六計卷三十有三雖不敢自詡一邑信史亦庶以遠稽近考仰酬憲指而當邑地當水陸素號衝繁其所以休養生息而加惠於無窮者應不惜為下吏宣示云


皆

乾隆歲次庚午仲秋署當塗縣知縣事錢塘張海撰

當塗縣志

張序

二



當塗縣志舊序

洪惟我

皇上天威遐震聲教覃敷雕題鑿齒莫不奉冠帶稟正朔親玉帛而朝

王會版圖遼潤亘古未有也於凡幅幘以內民風土俗所在異宜敷天之下遠者萬里近不下

數百里我

若我相亦何恃以周知洞悉若燭照而數計乎則郡邑志乘必不可闕也側聞前哲相於守令謁辭之日必囑購其志乘故能蒐羅弘備流覽周詳儲宣室之顧問審方域之情形實有裨於治道非僅資譚助而已雖然志乘者郡邑之信史非虛公謹嚴不可以載筆簡或失之墨漏詳或失之冗靡考核不精則病在踳駁褒譏失實則病在矯誣入其甚者以土著士大夫叙桑梓事不無鋪張揚厲誇大其鄉之所有而

當塗縣志

不免為識者所揶揄蓋其矣志未易言也余以壬申九月出守姑孰無繁二令各以其邑乘來贄而當塗闕焉無聞問其故則有明三百年未有全書即今所聞永樂正德間兩書已若齊諧志怪之帙荒遠莫考自此以後湮沒無徵可知矣夫六朝及明初當塗為近畿赤縣名人碩士項背相望而顧令文獻消沉風流歇絕斯固邦人士之責而亦長民者之羞也祝君駿公以東牟雋彥來令茲土為政三年百廢具舉慨然以邑志之不備亟謀修纂延邑士彭生輩共襄編葺不期月而告成囑余弁其簡端余觀祝君之為是書也大要以郡志為粉本而搜討精核遠過前人夫作者之名雖聖人不敢任然而詩書易春秋一經聖人勘定即非復三千之詩百篇之書義文之易與魯史之春秋而卓然為宣聖之書者何哉述者之功與作者等也祝君取材郡乘芟雜其蕪穢不經之辭潤飾其鄙俚質畧之舊其於

皇朝定鼎以來戶口賦役沿革損益之故既詳且核至於表揚節烈闡發幽潛褒鉞所關銖
錙不苟此其功在作述之間而於躋駁矯誣鋪張誇大之失刊削殆盡卓哉斯編庶
幾傳信於以備他日輶軒之採使哉

君我相瞭然知下里之情形其裨益治道非淺歟也後之君子念數百年文獻所徵不至
湮沒無存者微祝君之力不及此更數十年又踵事而復益之則斯志也垂久不
廢而要當以先事之勤歸美東牟此則余有望於來者而亦祝君載筆之意也夫
告

康熙三十五年歲在丙子三月既望

中憲大夫知太平府事宛平張獻撰

當塗縣志舊序

自昔輿圖諸書無如元和郡縣志迄今缺有間矣予曾寓目焉然皆從邑乘銖寸而積之者也余自壬申歲承乏姑孰急取邑志無有也取府志觀之惻然傷其缺畧蓋太平之志一修於弘治丁巳再修於正德丙子前志則鍾學使成之或議其煩後志則祝藩司成之或病其畧府志如此則縣志可知於今幾二百年矣其間兵燹頻仍文獻莫考故老傳聞失實者十七八然則孰徵而孰信之乎乃與士大夫約

聖天子有一統志之修而邑志仍因其舊且經隔代闕然弗講有司之耻也於是聘鄉進士

彭宗姬孫子寬端燧承司纂修焉其間山川沿革星野土田戶口學校祀典則從詳不詳弗備名宦鄉賢節婦孝子則從畧不畧弗嚴大約以公不以私多者百餘年少亦七八十年不至如前志之云亦有司考鏡之林也夫姑孰地僻民貧前令如

當塗縣志

序

傳舍而鉅梓之費又皆出於積俸之餘孰肯急其所不必急者乎予任姑孰已四歲幸時和年豐士民頗安之退食少暇而為此舉亦古者以文章潤色吏治之遺也書將成予友李漁村侍讀來遊采石漁村在館閣久所見郡邑之書必多予欲留為訂訛舛漁村以有事辭去今者書成付梓二百餘年之事燦然如昨日纂修諸君子可謂勤矣予乃作而嘆曰邑乘之體職褒不職貶或議其煩或病其畧予豈敢知要之正人心厚風俗則作志之旨而有司之責也後之讀是書者見孰為忠臣孰為孝子孰為節婦例得而書之否則雖富貴弗載是其體職褒而勸戒已寓其中矣若夫考據弗詳義例不備惜漁村已歸無可就正僅有發其覆而參訂之者是所望於後之君子也

康熙三十四年歲次乙亥秋八月知當塗縣事東牟祝元敏題

當塗縣志

重修姓氏

總裁

署 當塗縣 知縣事錢塘張 海巨川甫

當塗縣 知縣 文安紀 晉企瞻甫

當塗縣 知縣 陳留石欽承對敬甫

編纂

當塗縣儒學教諭銜管訓導事荆溪萬 楠勛園甫

當塗縣國子監學正銜癸卯科舉人徐文靖位山甫

協編

當塗縣志

姓氏

太平府儒學 教授桐城張 瑚畏菴甫

當塗縣儒學 教諭崑山秦向春蛭吟甫

太平府儒學 訓導常熟蕭漢一鄂章甫

監修

當塗縣前河南睢州知州服闋候補吳本涵潤仁甫

貢 生唐嘉韻賡南甫

校訂

當塗縣丁酉舉人新選休寧縣教諭秦上達義扶甫

丙午舉人候選知縣朱 岳魯巖甫

丙辰舉人候選知縣王亦新毓華甫

督梓

丁卯舉人 李 鸞 健 翎 甫

當塗縣典史 山陰 鈕 維 鏞 宏 聲 甫

當塗縣志

姓氏

二

康熙三十四年纂修姓氏

總裁

當塗縣 知縣年平祝元敏駿公甫

監修

當塗縣 縣丞潞河將 濟蘭漪甫

編纂

當塗縣 候選訓導彭希周宗姬甫

候選訓導孫麟定子寬甫

候選訓導端肇震燧承甫

校訂

當塗縣志

姓氏

三

當塗縣 儒學教諭蘭陵湯 輅乘五甫

儒學訓導荆溪葉 翹培生甫

督梓

當塗縣 典史鑑湖章國英澹園甫

康熙四十六年增修姓氏

總裁

當塗縣 知縣玉溪成文運在東南

編纂

當塗縣 江寧學庠生曹守謙為先甫

重修當塗縣志

凡例十二則

一當邑之志始於永樂舊志正德間三湖邢珣繼之兩書簡帙皆約自是二百餘年莫之纂修舊板既滅藏本亦歟康熙三十四年前令祝元敏慨縣志之闕如因借資於康熙十二年新修府志加以考訂斷制稍稱完備閱十年前令成文運雖云再修止人物藝文有所附益今於前志正其譌釐其駁而當增者悉採輯校定庶後之君子有所考證云爾

一前志卷次今多更定如職官名宦選舉人物宜以類連叙而孝義為人生根本前志乃列孝義於人物之外就所編人物中其應以孝義傳者亦甚多歧而二之實為未協茲仿江南通省志及他郡邑志例凡官績忠節孝義文學隱

當塗縣志

逸志統之人物而分類以編至方伎流寓仙釋則仍前各另編焉

一邑乘以縣為主 府治郡學職官名宦已載府志塗雖附郭不復屢入惟署

如察院軍器局類

在縣境者例得詳書建陽衛於郡城為附而官軍履土食毛強半在

塗且童子昔隸當邑考試故前志子衛署屯田人物列女之在塗者俱附書今因之

一周公營洛書稱伊來以圖周禮大司馬掌天下土地之圖古人左圖右史有以也故凡志成首圖考前圖於山川疆域城池官署坊鎮壇廟橋梁莫不燦若列眉覽者開卷瞭然今仍其舊

一錢穀出自土田戶定於丁口天府所登重典也前志則例雖表勝國哀益惟遵本朝今俱仍之而數十年以來舊額之內或奉

新給必詳稽備載則壤成賦無久不刊凡有牧民之責者烏可忽諸

一職官不盡名官而名官必由職官選舉不皆人物而人物多緣選舉二者先定邪正廉貪之大分正且廉者未秩不遺邪而貪者崇階亦斥非徒嚴往昔且以勵將來若桓溫晉傳違臣開牙不錄靈寶僧尊九井桓墓以芟此物此志也至例監據曹前志附選舉末有乖通例今遵 憲檄不入惟曾列仕版已為朝廷宣力之臣或且有績可載及監生有職銜者與無職者差別則均附於後云

一儀禮有鄉飲酒禮禮記有鄉飲酒義古人所重今與是典者無論正賓介僕必其行義素優齒德兼茂合邑紳士公議允協然後以告於官師而請行之是亦古者鄉選舉望之遺意也前志失載間列十數人乃入於隱逸傳中舛矣今特於選舉之後另叙鄉飲一條凡可考者悉採入焉

當塗縣志

二

一人物必立德立功立言確有表見方得入志即有可法可傳生存者不立傳史法也即志體也惟列女年踰五十即為完節不拘不傳之例通志亦然其列人物等項者後嗣有官階科貢例得列名傳末以見昌後之誼生監以下有行誼可錄間一附名概依舊例

一列女原非止列貞發第閨幃中幃若大家道韞無幾故節孝居多昔蔚宗始志列女數百年中止十四人而猶以文姬參其間識者病之想當日採訪之使自未遍也今逢

盛朝擴典各省所上貞孝節烈歲數百人誠巨書未有夫禔程中人與醜不改自其內若躬鄉僻壤士庶之配布粟不充乃甘受饑寒抗懷名節或且遭逢不幸臨刃全貞是亦天地之正氣鍾焉可軼而不傳乎故已邀 旌典者於例既書而現在申請及族鄰具呈修葺實

上聞者亦附書至前志所載凡未旌而迄今無為呈請者並列之備遺不敢沒亦不敢濫也

藝文必有裨風化并地方大事乃登當邑關係民生之事無如十字圩湖陽鄉及各圩圩務已載圩埠項下若歷來利弊興革並養馬官田等政其文移冊籍與士民所指陳一皆登載以納糧所出民命所係也他若序記碑銘關一切創建本末至題詠山川古蹟止載前人名作及四方佳詠餘不槩入亦志體也一雜辨凡聞見所徵無須置喙其從來聚訟如丹陽之郡治有三姑孰之確非湖熟史鑑極明已詳建置歟又如湖陰為地名宋祖為孝武南州非姑孰之類皆有不客不辨者若乃曖曖姝姝守一先生之說而罔所折衷宜其為莊子所竊笑也

一志以傳信凡與舊文互異之處即須分晰註明前志令所修有異於舊志者則曰舊志云某今有異於前志者則曰前志云某使來者知所別焉而刪繁從簡削疵歸正俱不縷析云

當塗縣志目錄

卷之一

圖考

卷之二

建置沿革

卷之三

星野祥異附

卷之四

疆域形勢江防附

卷之五

當塗縣志

目錄

山川關津橋梁井泉附

卷之六

城池坊巷鄉鎮圩埠附

卷之七

風俗

卷之八

物產

卷之九

戶口

卷之十

田賦

卷之十一

公署

卷之十二

學校

卷之十三

祠祀寺觀附

卷之十四

封爵

卷之十五

當塗縣志

目錄

二

職官

卷之十六

名宦

卷之十七

選舉 鄉飲附

卷之十八

人物官績 忠節

卷之十九

人物孝義 蠲賑附

卷之二十